

# Jlöck mem Wedder

Kommando MundArt, Kölscher Kaschemme-Folk

Homepage: [kommando-mundart.jimdofree.com](http://kommando-mundart.jimdofree.com) - Text und Musik: Michael Andreas Moritz - Verlag: Dabbelju Music

Mir sechs, mir wollte wandere,  
dä Rucksack woodt jepack,  
E Röggelche un Räucherwoosch  
kom flöck en unsre Sack.  
En aller Herrjoddsfröh  
do troke mir dann loss met Schwung  
un bei der eetste Steigung  
brannte uns dann ald de Lung.

Op eimol kome Wolke op  
un och ene fiese Wind,  
do rannte mir jeschwind  
en et nöchste Weedshuus erin.  
Koot dodrop, do fing et dann  
och ald ze rähne aan.  
Do freute mir uns,  
dat mer widder Jlöck mem Wedder han!

**Refrain: Wann et Kölsch rähne deit,  
un wie us Pittermänncher trief,  
dann bedde mer dä Herrjodd,  
dat et Wedder esu bliev.**

**B-Refrain: Wann et kei Kölsch rähne deit,  
nit wie us Pittermänncher schödd,  
dann bedde mer dä Herrjodd,  
dat et besser Wedder jitt!**

Mir sechs, mir wollte Fossball spille,  
ich packte ming Täsch  
und et Poldi-Trikot kom och  
jrad fresch uss d'r Wäsch.  
Ich han jespillt wie Overath,  
doch noh e Veedelstund,  
do wor uns schrecklich drüch em Hals  
un uns jing ald de Pump.

Op eimol kome Wolke op  
un och ene fiese Wind,  
do rannte mir jeschwind  
en et Vereinsheim eren.  
Koot dodrop, do fing et dann  
och ald ze rääne aan.  
Do freute mir uns,  
dat mer widder Jlöck mem Wedder han!

**Wann et Kölsch rähne deit ...**

Mir sechs, mir wollte Picknick maache,  
schön em jröne Flur.  
Un jeder braht janz herrlich Saache  
met en de Natur.  
Doch et Sönnche brannte  
un et wood entsetzlich heiß,  
dat einzije wat flüssig leef,  
wor literweise Schweiß.

Et kome keine Wolke op  
un keine köhle Wind,  
un e Weedschaff wor och  
leider nirjendswo zo sinn.  
Et fing och nit zo rähne aan,  
nä wat e Trauerspill!  
Dat Wedder hüggzedags,  
dat mäht och einfach wat et will!

**Wann et kei Kölsch rähne deit,...**